

**Aðalfundur Íslandsdeildar Alþjóðaráðs safna (ICOM)**  
**Fimmtudagur 14. mars 2013 klukkan 16.00**  
**Fyrirlestrarsalur Þjóðminjasafns Íslands, við Suðurgötu**

---

**Dagskrá: Venjulega aðalfundarstörf, skv. 6. grein samþykktá Íslandsdeildar ICOM**

Ólöf Kristín Sigurðardóttir, formaður félagsins setti fundinn og lagði til að Ágústa Kristófersdóttir yrði kjörin fundarstjóri og Guðbrandur Benediktsson, ritari félagsins, fundarritari. Var það samþykkt.

**1. Ársskýrsla fyrir starfsárið 2011-2012 lögð fram (formaður)**

**Stjórn:**

Stjórn skipa þau Ólöf Kristín Sigurðardóttir formaður, Inga Jónsdóttir gjaldkeri (báðar kosnar til 3 ára á síðasta aðalfundi 2012) og Guðbrandur Benediktsson ritari (sem kjörinn var ritari í aðalstjórn á aðalfundi 2011). Varamenn eru Nathalie Jacqueminet og Kristín Dagmar Jóhannesdóttir (NJ kjörin 2011 og KDJ kjörin 2012). Samtals hélt stjórnin 8 fundi á árinu.

**Félagar og aðild:**

Félagar með einstaklingsaðild voru 72 þegar síðasti aðalfundur var haldinn og þá höfðu 4 söfn aðild. Nú eru félagar með einstaklingsaðild 75 þar af 5 eftirlaunaþegar og 3 nemar. Fjöldi stofnana hefur ekki breyst (4) og eru það höfuðsöfn myndlistar og þjóðminja auk Gerðarsafns og Norrænahússið.

**Félagsgjöld:**

Félagsgjöld ICOM eru ákveðin á aðalfundi í París. Full einstaklingsaðild fyrir Íslendinga árið 2012 var 70 evrur. Söfn á Íslandi greiddu 498 – 598 evrur. Gjöldin voru ekki hækkuð á milli áráanna 2012 og '13 og eru nú eins og í fyrra 70 evrur fyrir einstaklingsaðild og 33 evrur fyrir eftirlaunaþega og nema. Fyrir söfnin hér á landi eru gjöldin nú frá 498 – 598 evrur eftir stærð – þ.e. umfangi fjárhagsáætlunar. Landsdeildum er síðan heimilt að leggja 10% ofan á gjöldin sem skila ber til aðalstöðvanna – og var það gert. Undanfarin ár hefur gengi krónunnar verið óstöðugt og sú % sem lögð hefur verið ofan á gjöldin því ekki alltaf orðið eftir hér á landi. Félagsgjöldin fyrir árið 2012 voru í íslenskum krónum 12.500 fyrir einstaklinga, 6000 fyrir þá sem komnir eru á eftirlaun og nema og frá 88.000 til 105.000 fyrir söfn en árið 2013 13.000 (almennt), 6.200 (nemar og eftirl.) og 63.000 – 112.000 (söfn).

**Fjármál:**

Árlega hefur Íslandsdeild ICOM fengið styrk frá mennta- og menningarmálaráðuneyti til rekstur félagsins og til að taka þátt í þeim alþjóðlegu fundum sem henni er ætlað að sækja. Það eru stjórnarfur ráðgjafanefndar ICOM og aðalfundur sem haldnir er árlega og einnig til að taka þátt í fundum ICOM-Nord. Félagið fékk ekki styrk á árin 2012 en rak starfið fyrir rekstarafgang ársins 2011 og félagsgjöld. Úthlutað var úr ferðasjóði félagsins í maí 2012 og í febrúar 2013 (4x2) – allar úthlutanir runnu til félagsmanna sem óskuðu eftir styrk til að sækja allsherjarþingið í Ria de Janeiro – engri umsókn um ferðastyrk var hafna en einni umsókn um útgáfustyrk var hafnað.

Styrkir ársins 2012 runnu til: Lilju Árnadóttur, Soffíu Karlsdóttur, Guðný Gerður Gunnarsdóttir, Guðbrandur Benediktsson, þar af fóru einingis GGG og GB út.

Styrkir ársins 2013 runnu til: Helgu M. Gylfadóttur, Önnu Lísu Guðmundsdóttur, Sigrúnar Ástu Jóhannsdóttur og Raket Pétursdóttir, sem ekki átti heimangengt.

### **Þátttaka í alþjóðastarfi:**

Árlegur fundur ICOM Nord var haldinn í Helsinki í maí og sótti ritari fundinn, var það í fyrsta sinn frá 2007 sem Íslandsdeild sendi fulltrúa út. Eins og undanfarin ár er mikil áhersla á það í þessu samstarfi að stilla saman strengi í samskiptum við aðalstjórnina/höfuðstöðvarnar í París og undir aðalfund og kostningar – þar sem mönnum þykir mikilvægt að halda inni í embættum fulltrúum norðurlandanna og þeim gildum sem Norðurlöndin standa fyrir. Ákveðið var að bjóða til næsta fundar ICOM Nord á Íslands og í ljósi reynslunnar frá þessum og fyrri fundum ICOM Nord, setti stjórnin sér það markmið að gera vandaða og skipulagða fundardagskrá, með umræðumarkmiðum. Til að ná því er mikilvægt að skilgreina þau atriði sem við viljum ná fram, s.s. reynsla kollega okkar af siðareglunámskeiðum, ýmsir sameiningarmál og samskipti við löggjafann. Sem viðleitni til þess þar að krefjast nokkurs undirbúnings fundargesta – og mun því verða fylgt eftir.

Árlegur aðalfundur og fundur ráðgjafanefndar voru haldnir í París í júní og sótti formaður fundina. Þar sitja formenn landsdeilda, alþjóðafagnefnda og heimshlutadeilda. Þjóðdeildir eru nú 137 alþjóðafagnefndirnar 30 og félagsmenn nálægt 30.000 talsins. Dagskrá fundarins var með hefðbundnu sniði farið yfir stafsáætlanir og ársreikninga og kosið í embætti. Kosið var um það hvar skyldi halda allstherjarþingið árið 2016 – þrjár borgir sóttust eftir verkefninu og voru það Abudabi, Moskva og Milano sem hreppti hnossið. Umræður voru um Alþjóðlega safnadaginn, ályktanir samþykktar og verkefni höfuðstöðvanna kynnt. Kynning var á ganga og umræðuvefnum ICOMUNITY sem er mikilvægt verkfæri fyrir safnamenn um allan heim. Það var mál manna að fundurinn hefði farið óvenju vel fram og heimspólitíkin lítið haft áhrif á framgang mála – eins og oft getur verið.

### **Önnur verkefni 2012:**

Eins og undanfarin ár voru fastir liðir í starfi Íslandsdeildar - miðlun upplýsinga frá höfuðstöðvum og fagnefndum og viðhald heimasíðu auk þess sem tilnefndir vour fulltrúar til skipunar í safnaráð – en í ár er í fyrsta sinn unnið samkvæmt nýjum safnalögum og þá um leið í fyrsta sinn sem félagið skipar fulltrúa.

Á alþjóðlega safnadaginn 18. maí (sem bar yfirskriftina Söfn í heimi breytinga – nýjar áskoranir, nýr innblástur) voru kynnar útnefningar til íslensku safnaverðlaunanna – jafnframt því sem félagið studdi við framtak nema í safnafræðum sem settu upp pop-up-safn á Háskólatorgi. Framtakið var vel heppnað og fékk góða umfjöllun í fjölmiðlum. Jafnframt var ákveðið að stefna að málstofu (sem var nýbreytni á alþjóðlega safnadaginn 2011) annað hvert ár - á móti safnaverðlaununum - í samstarfi við námsbraut í safnafærðum við Háskóla Íslands.

Íslensku safnaverðlaunin vour afhent á Bessastöðum á íslenska safnadaginn síðastliðið sumar og var það Byggðasafn Suður-Þingeyinga, sem hlut verðlaunin fyrir endurnýjun á grunnsýningu í Safnahúsinu á Húsavík. ....Fulltrúar ICOM í dómnefnd voru Sólveig Georgsdóttir og Anna Þorbjörg Þorgrímsdóttir sem jafnframt var formaður nefndarinnar. Fljótlega skipuðu félagin nýja dómnefnd og hóf hún störf síðastliðið haust. Í henni sitja fyrir hönd ICOM: Hilmar Malmquist og Valgerður Guðmundsdóttir

Undirbúningur undir stofnun Blue Shield á Íslandi – hélt áfarma og má jafnframt geta þess að fulltrúi félagsins gekk á fund utnaríkisráðherra ásamt fleyrrum til að þrýsta á að Ísland skrifaði undir Hagsáttmálann.

Nokkrar umræður urðu í stjórn og á milli ICOM og FISOS varðandi það hvernig ný safnalög hefðu áhrif á starf safnaráðs og hvort nýjar aðstæður kölluðu á það að félagin sem byggð eru upp á frjálsri félagsaðild skyldu stefna að því að ráða starfsmann – þessi umræða var leidd af FISOS og er lengra komin þar. Við tókum þá afstöðu að bíða og sjá – annarsvegar vegna þess að ICOM rekur stóra skrifstofu í París og hins vegar vegna þess að Íslandsdeildin er lítil.

## **2. Starfsáætlun Íslandsdeildar ICOM 2013 -2014**

Á komandi starfsári er stefnt að hefðbundinni þátttöku í alþjóðlegu starfi félagsins og ber þar hæst þátttaka í allsherjarþinginu í Rio de Janeiro í Brasilíu. Yfirskrift ráðstefnunnar er (Museums (Memory + Creativity) = Social Change) Söfn og samfélagsbreytingar. Samhliða ráðstefnunni verðu aðalfundur og fundur ráðgjafanefndar, þar sem formaður á sæti. Stefnt er að því að 1-3 fulltrúar stjórnarinnar sækja fundina og ráðstefnuna, en það fer eftir því hvort við fáum stuðning frá aðalstöðvunum. Sótt var um fyrir 3, auk þess sem sótt hefur verið um styrk fyrir 3 unga félagar til að fara til Ríó. Íslandsdeildin stendur fyrir fundi ICOM Nord í júní – og eigum við von á a.m.k. 15 fulltrúum frá hinum norðurlöndunum á 2 daga fund. Undirbúningur er í fullum gangi. Að vanda er alþjóðlegi safnadagur inn 18. maí. Yfirskrift dagsins er sú sama og yfirskrift ráðstefnunnar Söfn og samfélagsbreytingar – og er áformað að halda deginum á lofti á svipaðan hátt og undanfarin ár þ.e. með því að beina athygli safnamanna að innra starfi og umgjörð safna (innra v. ytra). Áætlað er að efna til málstofu í samstarfi við námsbraut í safnafærðum við Háskóla Íslands – eins og fram hefur komið, en stjórnin hefur tekið þá afstöðu að þetta skuli gert annað hvert ár á móti tilkynningu um tilnefningar til íslensku safnaverðlaunanna. Dórnefnd vegna safnaverðlaunanna hefur þegar hafið störf og skilar af sér í maí / júlí 2014. framkvæmd og kynningu verðlaunanna á höndum formanna (ICOM og FÍSOS). Eins og menn vita eru verðlaunin veitt annað hvert ár og er en þessi háttur hefur verið hafður á frá árinu 2008 og tvímælalaust vakið almenna athygli á íslensku safnastafi.

Eins og undanfarin ár ráðgerir Íslandsdeildin að halda fleiri námskeið um siðareglurnar – en það er mjög góð leið til að halda á lofti þeirri hugmyndafræði sem samtökin starfa eftir og hafa að leiðarljósi varðveislu menningarminja og miða að því að styrkja söfn í faglegu starfi. Nú eru ráðgerð tvö námskeið á vordögum annað verður á Akureyrir í apríl og hitt er ráðgert í kraganum. Þegar hefur verið veitt úr Utgáfu- og ferðasjóði fyrir árið 2013 en aftur verður veitt úr sjóðnum í fyrri hluta árs 2014.

Síðast en ekki síst ber að nefna stofnun Blue Shield – en það starf felur í sér samhæfingu ólíkra aðila og mótun starfshátta um leið og verið er að leggja áherslu á mikilvægi þess að hugað sé að menningarverðmætum þegar vá ber að höndu. Í aðdraganda fundar ICOM – Nord verður haldinn fundur með formanni BS í Noregi og ætlar hann að miðla okkur af reynslu sinni af þessu starfi.

Starf ICOM miðar að því að veita framgang hafsmunamálum sem varða okkur sem fagfólk á sviði safnastarfs jafnframt því sem félagið getur verið tengiliður við framúrskarandi fagmenn um víða veröld – en það er undir hverjum og einum komið hvernig hann nýtir þau tækifæri sem þetta tengslanet býður upp á.

## **3. Ársreikningar lagðir fram:**

Inga Jónsdóttir, gjaldkeri sté í pontu og gerði grein fyrir ársreikningum, sem höfðu verið samþykktir af skoðunarmönnum (sjá viðauka). Gagnleg ábending kom fram í umræðum, á þá leið að rétt væri að færa vilyrði fyrir styrkjum, sem ekki hafa verið greiddir út, sem skammtímaskuldir. Var því vel tekið og fært til bókar. Voru reikningar því næst bornir undir atkvæði og samþykktir samhljóða.

## **4. Kjör til stjórnar:**

Ekki fór fram kosning í embætti stjórnar, en skoðunarmenn reikninga, þær Bryndís Sverrisdóttir og Svanhildur Franklínisdóttir voru kjörnar til eins árs.

### **Önnur mál:**

Undir liðunum önnur mál var tvennt til umræðu:

### **5. Alsherjarþing ICOM:**

Kristín Dagmar Jónsdóttir, úr stjórn ICOM, fjallaði um fyrirhugað allsherjarþing í Rio de Janeiro. Sagði hún frá ýmsum praktískum atriðum er þingið varða, svo sem fundi í fagdeildum. Jafnframt voru félagar hvattir til að vera virkir í starfi fagdeilda og ganga á eftir að vera skráðir í slíkar.

### **6. Kynning á icommunity:**

Guðbrandur Benediktsson ritari kynnti félagsmönnum vefsvæðið icommunity og hvatti til þess að fólk notfærði sér það sem mest.

Fundi slitið 17.00 - gb